

T-6

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), na prijedlog Ureda za borbu protiv korupcije, Vlada Zeničko-dobojskog kantona, na 36. sjednici, održanoj dana 19.09.2023.godine, donosi

ZAKLJUČAK

I.

Prima se na znanje Informacija o provođenju postupka preispitivanja vjerodostojnosti podataka u svjedodžbama/diplomama uposlenih u javnom sektoru, nosioca izvršne vlasti i savjetnika nosioca izvršne vlasti u Zeničko-dobojskom kantonu (revizija diploma), za izvještajni period od 31.01.2022. godine – do 31.12.2022. godine, koju je sačinio Ured za borbu protiv korupcije Zeničko-dobojskog kantona i čini sastavni dio ovog zaključka.

II.

Zaključak stupa na snagu danom donošenja.

Broj: 02-34-14355/23
Datum, 19.09.2023. godine
Zenica



PREMIJER

Amra Mehmedić
Amra Mehmedić

DOSTAVLJENO:

- 1x Ured za borbu protiv korupcije,
- 1x Svim kantonalnim ministarstvima i drugim tijelima kantonalne uprave,
- 1x Svim institucijama, putem resornih ministarstava,,
- 1x a/a.



INFORMACIJA

**o provođenju postupka preispitivanja vjerodostojnosti podataka
u svjedodžbama/diplomama uposlenih u javnom sektoru,
nosioca izvršne vlasti i savjetnika nosioca izvršne vlasti
u Zeničko-dobojskom kantonu
(revizija diploma)**

Zenica, august 2023. godine

SADRŽAJ

SADRŽAJ.....	2
UVOD	3
1. Pravni osnov	3
2. Obuhvat revizije	4
3. Ciljevi revizije	4
4. Način provođenja revizije diploma u institucijama ZDK	4
5.Rezultati provođenja vjerodostojnosti diploma/svjedodžbi (revizije) u institucijama/ustanovama Zeničko-dobojskog kantona	5
6. Tabelarni prikaz za Institucije/Ustanove za izvještajni period: od 31.01.2022. godine – do 31.12.2022. godine	7
7.Pregled dostavljenih izvještaja po institucijama/organima Zeničko-dobojskog kantona.....	8
8. Tabelarni prikaz po izvještajnim periodima: izvještajni period zaključno sa 31.05.2021. godine, izvještajni period 31.05.2021.-31.01.2022. godine i 31.01.2022- do 31.12.2022. godine.....	10
Zaključci i preporuke	11

UVOD

Aktom broj: 5-50-3-1125/17 od 15.05.2019. godine, Agencija za prevenciju i koordinaciju borbe protiv korupcije (u daljem tekstu: APIK) obratila se svim institucijama i tijelima za borbu protiv korupcije u Bosni i Hercegovini sa Inicijativom za pokretanje revizije diploma zaposlenih u javnim institucijama.

Agencija za prevenciju i koordinaciju borbe protiv korupcije kao državna antikorupcijska institucija u okviru svojih nadležnosti propisanih Zakonom o APIK-u ima zadatak da:

- identifikuje i eliminiše uzroke korupcije,
- utiče na lica da ne čine krivična djela u vezi sa korupcijom,
- vrši osiguravanje i unapređenje pravnog okvira za prevenciju korupcije,
- podiže svijest javnosti i stvara odnos netolerancije prema korupciji, te
- promoviše transparentan i odgovoran rad tijela i institucija u Bosni i Hercegovini,

Shodno članovima Zakona o APIK-u:

- čl. 7. (c) Antikorupcijski principi: transparentnost i javna kontrola,
- čl. 8. (e) Principi rada: kontinuitet na uspostavljanju i provođenju efikasnih mjera za prevenciju korupcije, njihovim kontinuiranim nadzorom,
- čl.9. Djelatnost: nadležna za prevenciju korupcije i koordinaciju borbe protiv korupcije u institucijama javnog i privatnog sektora kod nosilaca funkcija u zakonodavnoj, izvršnoj i sudskoj vlasti, te javnih službenika i zaposlenika, kao i policijskih službenika na svim nivoima vlasti.

Agencija za prevenciju i koordinaciju borbe protiv korupcije BiH (APIK) zbog konstantnog negativnog pisanja o lažnim diplomama u Bosni i Hercegovini, uputila je pomenutu Inicijativu za pokretanje revizije diploma zaposlenih u javnim institucijama svim antikorupcijskim tijelima u Bosni i Hercegovini da iniciraju proces revizije diploma za sve uposlene u tijelima i organima uprave (direkcijama, zavodima, agencijama) i javnim preduzećima u Bosni i Hercegovini.

1. Pravni osnov

Pored navedene inicijative APIK-a, da svi nivoi vlasti izvrše reviziju diploma, Vlada Zeničko-dobojskog kantona je na prijedlog Tima Vlade Zeničko-dobojskog kantona za prevenciju i borbu protiv korupcije, a na osnovu člana 16. stav 2. Zakona o Vladi Zeničko-dobojskog kantona - (Službene novine Zeničko-dobojskog kantona", broj 7/10) – Prečišćen tekst i Zaključka Vlade broj 02-06-807/19 od 16.01.2019. godine, kojim je usvojila Izvještaj o provođenju Akcionog plana za borbu protiv korupcije, na 30. sjednici održanoj dana 22.11.2019. godine, donijela Odluku kojom se prihvata Inicijativa Tima Vlade Zeničko-dobojskog kantona za prevenciju i borbu protiv korupcije (u daljem tekstu Tim Vlade), za reviziju diploma nosioca izvršne vlasti, savjetnika nosioca izvršne vlasti, uposlenih u kantonalnim ministarstvima i drugim tijelima kantonalne uprave (u daljem tekstu državna služba), uposlenih u javnim ustanovama, zavodima, direkcijama i drugim organima čiji je osnivač Kanton ili se u potpunosti ili djelimično finansiraju iz Budžeta kantona, javnim preduzećima i privrednim društvima Zeničko-dobojskog kantona sa većinskim vlasničkim kapitalom (u daljem tekstu: Institucije ZDK), a u skladu sa Inicijativom Agencije za prevenciju korupcije i koordinaciju borbe protiv korupcije da svi nivoi vlasti izvrše reviziju diploma.

2. Obuhvat revizije

Revizijom su obuhvaćeni:

- a) nosioci izvršnih funkcija i savjetnici nosioca izvršnih funkcija,
- b) državni službenici i namještenici,
- c) uposlenici kantonalnih institucija (uposleni u javnim ustanovama, zavodima, direkcijama i drugim organima čiji je osnivač Kanton ili se u cjelini ili djelimično finansiraju iz Budžeta Kantona, javnim preduzećima i privrednim društvima sa većinskim vlasničkim kapitalom),
- d) revizija diploma će biti izvršena u 158 tijela uprave i institucija Zeničko-dobojskog kantona,
- e) revizijom diploma će biti obuhvaćeni svi zaposlenici u institucijama Zeničko-dobojskog kantona.

3. Ciljevi revizije

Osnovni ciljevi revizije su:

- a) vratiti i jačati povjerenje građana u institucije Zeničko-dobojskog kantona,
- b) otkloniti bilo kakve sumnje i nedoumice o vjerodostojnosti diploma u Zeničko-dobojskom kantonu (za gore navedene institucije),
- c) Vlada Zeničko-dobojskog kantona će po prvi put izvršiti reviziju svih diploma za sve uposlene u institucijama u kojima je ona osnivač, ili se finansiraju iz budžeta što će dovesti do egzaktna informacije da li unutar institucija postoje uposlenici koji imaju nevjerodostojne diplome za poslove koje obavljaju,
- d) poslati snažnu poruku opredijeljenosti Vlade Zeničko-dobojskog kantona, Tima za borbu protiv korupcije i Ureda za borbu protiv korupcije Zeničko-dobojskog kantona, za učinkovitu i angažiranu borbu protiv korupcije.

4. Način provođenja revizije diploma u institucijama ZDK

Institucije Zeničko-dobojskog kantona samostalno provode postupak detaljne revizije diploma svih uposlenih u skladu sa *Uputstvom Tima Vlade i Inicijativom za revizijom diploma* kojom su utvrđene mjere i aktivnosti, njihovi nosioci, te materijalno-tehničke pretpostavke za efikasno provođenje.

Provođenje revizije podrazumijeva provjeru vjerodostojnosti podataka sadržanih u svjedodžbama/diplomama i to:

- utvrđivanje vjerodostojnosti diploma stečenih na visokoškolskim obrazovnim ustanovama,
- utvrđivanje vjerodostojnosti diploma/svjedodžbi stečenih u srednjoškolskim obrazovnim ustanovama i
- utvrđivanje vjerodostojnosti svjedodžbi stečenih u ustanovama osnovnog obrazovanja

Odluka, Inicijativa o reviziji diploma (provjeri vjerodostojnosti diploma) i Uputstvo za reviziju diploma u institucijama Zeničko-dobojskog kantona (provjera vjerodostojnosti diploma) objavljeni su na web strani Zeničko-dobojskog kantona (www.zdk.ba – dio „Aktivnosti Tima Vlade za borbu protiv korupcije“).

5. Rezultati provođenja vjerodostojnosti diploma/svjedodžbi (revizije) u institucijama/ustanovama Zeničko-dobojskog kantona

Na području Zeničko-dobojskog kantona postupkom revizije diploma/svjedodžbi obuhvaćeni su zaposlenici 35 (trideset i pet) institucija/ustanova i 102 osnovne i srednje škole i to:

1. URED PREMIJERA
2. STRUČNA SLUŽBA VLADE
3. SEKRETARIJAT ZA ZAKONODAVSTVO
4. STRUČNA SLUŽBA SKUPŠTINE
5. STRUČNA SLUŽBA ZA RAZVOJ I MEĐUNARODNE PROJEKTE
6. SLUŽBA ZA ZAJEDNIČKE POSLOVE
7. MINISTARSTVO ZA POLJOPRIVREDU ŠUMARSTVO I VODOPRIVREDU
8. MINISTARSTVO ZA PROSTORNO UREĐENJE, PROMET I KOMUNIKACIJE I ZAŠTITU OKOLINE
9. MINISTARSTVO ZA RAD, SOCIJALNU POLITIKU I IZBJEGLICE
10. MINISTARSTVO ZA OBRAZOVANJE, NAUKU, KULTURU I SPORT
11. MINISTARSTVO ZDRAVSTVA
12. MINISTARSTVO ZA PRAVOSUĐE I UPRAVU
13. MINISTARSTVO ZA BORAČKA PITANJA
14. MINISTARSTVO ZA PRIVREDU
15. MINISTARSTVO FINANSIJA
16. MINISTARSTVO UNUTRAŠNJIH POSLOVA
17. KANTONALNA DIREKCIJA ZA CESTE
18. AGENCIJA ZA PRIVATIZACIJU ZDK
19. JU SLUŽBA ZA ZAPOSŁJAVANJE ZDK
20. JU CENTAR ZA DJECU I ODRASLE OSOBE S POSEBNIM POTREBAMA
21. JZU ZAVOD ZA BOLESTI OVISNOSTI ZDK
22. ZAVOD ZDRAVSTVENOG OSIGURANJA
23. JU INSTITUT ZA ZDRAVLJE I SIGURNOST HRANE
24. JU KANTONALNA BOLNICA ZENICA
25. KANTONALNI ZAVOD ZA PRAVNU POMOĆ
26. ZAVOD ZA MEDICINU RADA I SPORTSKU MEDICINU
27. KANTONALNA DIREKCIJA ROBNIH REZERV
28. KANTONALNO PRAVOBRANILAŠTVO
29. KANTONALNA UPRAVA ZA ŠUMARSTVO
30. KANTONALNI ZAVOD ZA URBANIZAM I PROSTORNO UREĐENJE
31. JU PENZIONERSKI DOM SA STACIONAROM
32. KANTONALNA UPRAVA CIVILNE ZAŠTITE
33. KANTONALNA UPRAVA ZA INSPEKCIJSKE POSLOVE
34. ŠUMSKO PRIVREDNO DRUŠTVO ZAVIDOVIĆI
35. UNIVERZITET U ZENICI

Vlada Zeničko-dobojskog kantona je na svojoj 157. sjednici održanoj dana 10.06.2022. godine, usvojila Informaciju o provođenju postupka preispitivanja vjerodostojnosti podataka u diplomama/svjedodžbama uposlenih u javnom sektoru, nosioca izvršne vlasti i savjetnika nosioca izvršne vlasti u Zeničko-dobojskom kantonu (revizija diploma), za period od 31.05.2021. godine do 31.01.2022. godine.

Nakon toga Ured za borbu protiv korupcije Zeničko-dobojskog kantona (u daljem tekstu Ured) svim institucijama/organima je uputio akt - „*Obavijest*“ broj: 21-04-9362-1/22 od 04.10.2022. godine, o provođenju preporuka iz predmetne Informacije kojim su određeni pravci za dalji nastavak procesa revizije, predloženi kroz zaključke:

Zaključak I

Sve ustanove iz vlastitih budžetskih sredstava, iz stavke *Ugovorene i druge usluge*, kontinuirano da planiraju i izdvajaju sredstva potrebna za plaćanja naknada koje potražuju obrazovne ustanove, sa ciljem provođenja provjere diploma/svjedočanstava i nastave sa aktivnostima revizije diploma.

Zaključak II

Da Tim Vlade za prevenciju i borbu protiv korupcije / Ured za borbu protiv korupcije u narednom periodu uspostavi i redovno ažurira elektronski registar uposlenih, u kojem će jedan od podataka biti i podatak o provedenoj provjeri vjerodostojnosti podataka sadržanih u diplomi/svjedočanstvu.

Zaključak III

Da se pri svakom novom upošljavanju nastavi sa praksom provjere vjerodostojnosti diploma/svjedočanstava, te da se izvještaj o izvršenoj provjeri dostavljaju Timu Vlade/Uredu za borbu protiv korupcije.

Zaključak IV

Da rukovodioci institucija Zeničko-dobojskog kantona urgiraju odgovore obrazovnih ustanova koje nisu dostavile odgovore, te da kopiju urgencija dostave Timu Vlade/Uredu za borbu protiv korupcije, radi poduzimanja daljnjih koraka.

Kako je Ured zadužen za implementaciju i nadzor nad provođenjem antikorupcijskih politika, sve institucije/organi su bili u obavezi do 31.12.2022. godine, a shodno prethodno usvojenoj Informaciji, da informišu Ured i dostave svoje pojedinačne izvještaje o postupanju po naprijed navedenim mjerama i preporukama, kako bi Ured ispunio svoju obavezu blagovremenog informiranja Vlade Zeničko-dobojskog kantona.

Nakon dostavljenih pojedinačnih izvještaja od strane određenog broja institucija/organa Zeničko-dobojskog kantona o postupku provjere vjerodostojnosti diploma/svjedodžbi svojih zaposlenika za izvještajni period od 31.01.2022. godine - do 31.12.2022. godine, Ured je pristupio analizi i obradi predmetnih izvještaja.

Nakon obrađenih podataka dostavljenih kroz pojedinačne izvještaje organa/institucija, utvrđeno je da postupkom provjere vjerodostojnosti (validnosti) diploma/svjedodžbi za izvještajni

period od 31.01.2022. godine - do 31.12.2022. godine, je obuhvaćeno 1734 diploma/svjedodžbi, od kojih je kod 1347 potvrđena vjerodostojnost (validnost) istih, za 333 diplome/svjedodžbe je postupak provjere još uvijek u toku, a kod 18 diploma/svjedodžbi nije potvrđena vjerodostojnost (validnost) istih.

Sve diplome/svjedodžbe za koje obrazovne ustanove ne potvrde vjerodostojnost (validnost), proslijeđuju se Tužilaštvu Zeničko-dobojskog kantona na dalje postupanje, te je jedna svjedodžba za koju obrazovna ustanova nije mogla u potpunosti potvrditi vjerodostojnost od strane institucije predmet je upućen Ministarstvu unutrašnjih poslova Zeničko-dobojskog kantona na dalje postupanje i rješavanje.

Tabelarni prikaz za institucije/ustanove za izvještajni period: od 31.01.2022. godine – do 31.12.2022. godine

	Izvještajni period
	31.01.2022.- 31.12.2022.
Ukupan broj provjera diploma/svjedodžbi	1.734
Potvrđena vjerodostojnost (validnost) diploma/svjedodžbi	1.347
Postupak provjere u toku	333
Uplata takse za provjeru	28
Nije potvrđena vjerodostojnost (validnost) diploma/svjedodžbi	18
Nema podataka – dio dokumentacije i matičnih knjiga uništen	8

Napomena: Određeni broj izvještaja za ovaj izvještajni period je pristigao u 2023. godini, tako da su isti obrađeni u ovoj Informaciji.

Kroz izvršenu analizu i obradu dostavljenih izvještaja, ustanovljeno je da određeni broj institucija/organa još nije u potpunosti okončao postupak provjere vjerodostojnosti (revizije) diploma svojih zaposlenika, te da je isti u toku, da određeni broj institucija/organa za ovaj izvještajni period i pored upućenog dopisa Ureda, akt - „Obavijest“ broj: 21-04-9362-1/22 od 04.10.2022. godine, nije dostavio svoje izvještaje.

Bitno je napomenuti da u dosadašnjem procesu revizije diploma, kao otežavajuće okolnosti sa kojima su se susretale i susreću institucije/organi u samom postupku provjere, između ostalog ističu da je određeni broj obrazovnih ustanova prestao sa radom, odnosno da je došlo do zatvaranja istih, zatim kašnjenje odgovora od strane obrazovnih ustanova na uredno upućene dopise (obrasce), te su u takvim slučajevima ponovo upućivane urgencije nadležnim obrazovnim ustanovama, kao i da finansijska sredstva za provjeru vjerodostojnosti diploma/svjedodžbi za koje se zahtjeva plaćanje takse nisu bila planirana za te namjene u Budžetima institucija/organa.

6. Pregled dostavljenih izvještaja po institucijama/organima ZDK

1. **Kantonalna uprava za inspekcijske poslove** – u svom izvještaju akt broj: 18/01-04-9362-2/22 od 30.12.2022. godine, izvještava Ured, da je Kantonalna uprava za inspekcijske poslove izvršila preispitivanje vjerodostojnosti podataka u diplomama/svjedodžbama za 26 državnih službenika i namještenika, te da je u toku postupak preispitivanja vjerodostojnosti podataka za još dva zaposlenika, s obzirom da još nisu zaprimili odgovore od strane obrazovnih ustanova. U prilogu akta je dostavljena *Excel tabela* sa pratećom dokumentacijom u kojoj su prikazani podaci, a koji se odnose na vjerodostojnost podataka u diplomama za svih 26 državnih službenika i namještenika. Dana 31.03.2023. godine, putem e-maila dostavljena je i dopuna *Excel tabele* u kojoj su dodati podaci o provjeri vjerodostojnosti diplome za još jednog zaposlenika Kantonalne uprave za inspekcijske poslove.

2. **Javna Ustanova Zavod za medicinu rada i sportsku medicinu Zeničko-dobojskog kantona** – u svom izvještaju akt broj: 3449/22 od 27.04.2022. godine, izvještava Ured da je Zavod vršio provjeru diplome radnice koja je 05.04.2022. godine zasnovala radni odnos na određeno vrijeme na radno mjesto *medicinska sestra – tehničar*, te da su nakon upućenog dopisa obrazovnoj ustanovi dana 19.04.2022. godine zaprimili odgovor od strane obrazovne ustanove (škole), koja ih obavještava i upućuje da slučaj prijave nadležnom MUP-u, zbog tvrdnje škole da predmetna diploma nije vjerodostojna. U vezi navedenog, Zavod je uputio dopis Ministarstvu unutrašnjih poslova na daljnje postupanje, a radni odnos sa radnicom je prekinut. Kao prilog je dostavljena i *Excel tabela*.

3. **Ministarstvo unutrašnjih poslova Zeničko-dobojskog kantona - MUP** – u svom izvještaju akt broj: 08-01-02/03-2-108-2/22 od 21.06.2022. godine, izvještava Ured da su u Ministarstvo od 25.01.2022. godine, u radni odnos primljena dva državna službenika, te s obzirom na radna mjesta na koje su isti raspoređeni je izvršena sigurnosna provjera od strane *Državne agencije za istragu i zaštitu*, te je konstatovano da su diplome validne. Aktom broj: 08-01-02/03-2-108-4/22 od 01.11.2022. godine, Ministarstvo izvještava Ured da je izvršena provjera vjerodostojnosti diplome za novouposleni državnu službenicu koja je primljena u radni odnos u Ministarstvo sa danom 01.11.2022. godine, te da je od nadležne visokoškolske obrazovne ustanove potvrđena vjerodostojnost izdate diplome.

4. **Ministarstvo za poljoprivredu šumarstvo i vodoprivredu Zeničko-dobojskog kantona** – u svom izvještaju akt broj: 05-30-2328-15/20 od 03.08.2022. godine, izvještava Ured, da je Ministarstvo izvršilo provjeru vjerodostojnosti podataka u diplomama/svjedodžbama za četiri nova zaposlenika. U prilogu akta je dostavljena i *Excel tabela* koja sadrži podatke o provjeri vjerodostojnosti podataka u svjedodžbama/diplomama za navedena četiri uposlenika. Aktom broj: 05-30-2328-16/20 od 07.12.2022. godine, Ministarstvo izvještava Ured da je izvršena provjera za još dva zaposlenika Ministarstva, te da je u toku provjera za jednog zaposlenika. U prilogu akta je dostavljena i popunjena *Excel tabela* sa podacima za navedena dva državna službenika.

5. **Ministarstvo zdravstva Zeničko-dobojskog kantona** – u svom izvještaju akt broj: 11-04-9362-2/22 od 07.10.2022. godine, izvještava Ured, da je Ministarstvo još u proteklom izvještajnom periodu izvršilo provjeru diploma/svjedodžbi za sve zaposlenike Ministarstva, te da su sve diplome

vjerodostojne i validne. Aktom broj: 11-30-5396-3/23 od 22.05.2023. godine, Ministarstvo izvještava Ured, da je izvršena provjera vjerodostojnosti diploma za još dva zaposlenika. U prilogu je dostavljena *Excel tabela* sa podacima.

6. **Stručna služba za razvoj i međunarodne projekte** – u svom izvještaju akt broj: 19-04-9362-4/22 od 20.12.2022. godine, izvještava Ured, da je u proteklom periodu Stručna služba izvršila provjeru vjerodostojnosti diploma/svjedodžbi za dva nova zaposlenika, te da su iste vjerodostojne. Kao prilog je dostavljena *Excel tabela* sa unesenim podacima.

7. **Služba za zajedničke poslove** – u svom izvještaju akt broj: 04-30-1696-47/20 od 28.10.2022. godine, izvještava Ured, da je izvršena provjera vjerodostojnosti/validnosti diploma za šest zaposlenika Službe za zajedničke poslove, te da je utvrđena vjerodostojnost/validnost istih. Istim aktom obavještavaju da je izvršena provjera za sve zaposlenike Službe, te da je ustanovljeno da su sve diplome/svjedodžbe validne. U prilogu akta su dostavljeni i popunjeni *Obrasci* za utvrđivanje vjerodostojnosti diploma/svjedodžbi za svih šest zaposlenika.

8. **Stručna služba Vlade** – u svojim izvještajima akt broj: 02-1-34-1511-6/22 od 05.12.2022. i od 08.12.2022. godine, izvještava Ured, da je izvršena provjera vjerodostojnosti/validnosti diploma/svjedodžbi za dva nova zaposlenika, te da je potvrđena vjerodostojnost istih. U prilogu akta je dostavljen i popunjen Obrazac I. za utvrđivanje vjerodostojnosti diploma/svjedodžbi. Izvještajem, akt broj: 02-1-04-2427-1/23 od 28.02.2023. godine, izvještavaju Ured da je izvršena provjera jedne diplome uposlenika službe, te da je ista vjerodostojna. U prilogu je dostavljen akt obrazovne ustanove sa podacima o provjeri.

9. **Kantonalan direkcija robnih rezervi** – u svom izvještaju akt broj: 17-30-10230-4/21 od 10.10.2022. godine, izvještava Ured, da je izvršena provjera vjerodostojnosti diplome za jednog zaposlenika, te da je utvrđena vjerodostojnost/validnost iste. U prilogu akta je dostavljena i popunjena *Excel tabela* sa unesenim podacima.

10. **Zavod zdravstvenog osiguranja Zeničko-dobojskog kantona** – u svom izvještaju akt broj: 05-14681/22 od 01.12.2022. godine, izvještava Ured, da Zavod redovno vrši provjeru vjerodostojnosti podataka u svjedodžbama/diplomama novoupisanih zaposlenika, te da je izvršena provjera za novih osam zaposlenika Zavoda. U prilogu je dostavljena *Excel tabela* koja sadrži podatke o provjeri vjerodostojnosti podataka u svjedodžbama/diplomama za svih osam novoupisanih zaposlenika u 2022. godini.

11. **Skupština Zeničko-dobojskog kantona** – u svom izvještaju akt broj: 01-04-9362-8/22 od 29.12.2022. godine, izvještavaju Ured, da je izvršena provjera vjerodostojnosti diploma za pet državnih službenika koji su zaposleni u stručnoj službi Skupštine nakon 2020. godine, kada je ranije izvršena revizija diploma, te da su sve diplome vjerodostojne. U prilogu je dostavljena popunjena *Excel tabela* sa podacima za svih pet upisanih.

12. **Sekretarijat za zakonodavstvo** – u svom izvještaju, akt broj: 03-30-18928-1/22 od 26.01.2023. godine, izvještava Ured, da je izvršena provjera vjerodostojnosti diplome za jednog novog zaposlenika Sekretarijata za zakonodavstvo, te da je od strane visokoškolske obrazovne

ustanove aktom broj: 01-2362/22 od 16.01.2023. godine, potvrđena vjerodostojnost diplome. Uz napomenu da od strane obrazovne ustanove nisu zaprimili popunjeni Obrazac I. nego gore navedeni akt sa podacima.

13. **JU Kantonalna bolnica Zenica** – u svom izvještaju, akt broj: 01-30-5128/23 od 06.07.2023. godine i akt broj: 01-30-5128-2/23 od 17.07.2023. godine, dopuna informacije, izvještava Ured, da je od 01.12.2022. godine, JU Kantonalna bolnica Zenica otpočela proces provjere vjerodostojnosti diploma svih radnika zaposlenih u ustanovi, s obzirom da je do sada vršena provjera samo vanredno stečenih diploma/svjedodžbi. Zaključno sa danom 17.07.2023. godine, na provjeru vjerodostojnosti diploma je poslano 1666 diploma radnika ustanove od kojih, iz tehničkih razloga nije bilo moguće izvršiti provjeru vjerodostojnosti za četiri diplome iz razloga što je tokom ratnih dešavanja od 1992-1995 godine veći dio matičnih knjiga uništen, za četiri diplome izdate od strane *PU Centar za obrazovanje „VITA plus“ Cazin*, navodi se da nije bilo moguće izvršiti provjeru jer su matične knjige zaplijenjene od strane SIPE-e, institucija zatvorena zbog istrage koja je u toku od strane kantonalnog tužilaštva Unsko sanskog kantona, (krivično djelo „Krivotvorenje“). Za 17 diploma je utvrđena nevjerodostojnost, te za šest diploma je utvrđena „polovična“ tj. nesigurna provjera, te su iste upućene na dodatnu detaljnu provjeru nadležnim kantonalnim Ministarstvima obrazovanja. Potpuna provjera je izvršena za 1283 diplome, od kojih je za sedam diploma potvrđena vjerodostojnost uz manje nepravilnosti, kao što su neslaganje datuma izdavanja diplome navedenog u matičnoj knjizi i svjedodžbi/diplomi. Za 319 diploma je postupak provjere u toku. Za provjeru 28 diploma/svjedodžbi obrazovne ustanove zahtijevaju plaćanje takse.

Tabelarni prikaz po izvještajnim periodima: izvještajni period zaključno sa 31.05.2021. godine, izvještajni period 31.05.2021. - 31.01.2022. godine i izvještajni period 31.01.2022. – 31.12.2022. godine

	Izvještajni period		
	Zaključno sa 31.05.2021.	31.05.2021.- 31.01.2022.	31.01.2022.- 31.12.2022.
Ukupan broj provjera diploma/svjedodžbi	7.338	1.131	1.734
Potvrđena vjerodostojnost (validnost) diploma/svjedodžbi	7.166	873	1.347
Postupak provjere u toku	129	207	333
Uplata takse za provjeru	35	-	28
Nije potvrđena vjerodostojnost (validnost) diploma/svjedodžbi	8	25	18
Nema podataka – dio dokumentacije i matičnih knjiga uništen	-	26	8
Ukupno	10.203		

U dosadašnjem toku postupka preispitivanja vjerodostojnosti podataka u diplomama/svjedodžbama (revizija), a koji obuhvata tri izvještajna perioda, provjerom su obuhvaćene ukupno 10.203 diplome/svjedodžbe, od kojih je potvrđena vjerodostojnost za 9.386 diploma/svjedodžbi, za 34 diplome/svjedodžbe obrazovne ustanove nisu mogle izvršiti provjere iz brojnih razloga, a jedan od njih je i to da je tokom ratnih dejstava dio dokumentacije i matičnih knjiga je uništen, dok za 51 diplomu/svjedodžbu obrazovne ustanove nisu mogle potvrditi vjerodostojnost (validnost) istih.

Zaključci i preporuke

U skladu sa iznesenim podacima u ovoj Informaciji, a sa ciljem istraživanja na provjeri vjerodostojnosti podataka koje sadrže diplome/svjedočanstva, predlažemo da zaključci u okviru ove Informacije budu obavezujući za sve institucije/organe.

Zaključak I

Sve ustanove iz vlastitih budžetskih sredstava, iz stavke Ugovorene i druge usluge, da nastave kontinuirano da planiraju i izdvajaju sredstva potrebna za plaćanja naknada koje potražuju obrazovne ustanove, sa ciljem provođenja provjere diploma/svjedočanstava i nastave sa aktivnostima revizije diploma.

Zaključak II

Da se pri svakom novom upošljavanju nastavi sa praksom provjere vjerodostojnosti diploma/svjedočanstava, te da se izvještaj o izvršenoj provjeri dostavljaju Uredu za borbu protiv korupcije.

Zaključak III

Da rukovodioci institucija Zeničko-dobojskog kantona urgiraju odgovore obrazovnih ustanova koje nisu dostavile odgovore, te da kopiju urgencija dostave Uredu za borbu protiv korupcije, radi poduzimanja daljnjih koraka.

